





مع الموال



سعد بدوي





مقدمة بقلم كميل حنيني رئيس جمعية أدباء الشعب بالإسكندرية

درج الباحثون القدماء على إطلاق تسمية تقليدية لفنون نظم الكلمة التي تقف إلى جوار (الشعر بالفصحى) .. أنها (الفنون السبعة) وعددها من خلال ذلك بالموشح ، والكان كان ، والسلسلة ، والقوما ، والزجل والدوبيت ... والمواليا أو الموالم . واعتبروا كلا منها فناً قائماً بذاته ، يقف نداءً بنظومه في مواجهة شعر الفصحى .

والواقع أن المتأمل في مضامين هذه الفنون وطرق نظمها يجد أنها تنضوى تحت لواء فن واحد ، هو فن نظم الشعر باللغة العامية الدارجة ، أو ما اصطللحنا على تسميته (بالزجل) .. وإنك لا تجد لدى هؤلاء الباحثين معايير حقيقية للتمييز بين هذه الفنون المستقلة عن بعضها البعض - على حد ظنهم - فكل ما أوردته تقسيماتهم لهذه الفنون هو أن كل منها ينظم على طريقة مميزة ، خاصة بهذا اللون من الزجل .. (فالكان كان) .. فن الأقصوصة والحكاية . كان ملتزماً بوزن موسيقى ، الشطر الأول فيه تفعيلاته أطول من الشطر الثاني .. و(القوما) فن المسحراتية كان على هيئة رباعيات تكون أشطارها الثلاثة الأولى متساوية والشطر الرابع أطول .. و(الموشحات) كانت أول خروج للنناظمين من شعراء الفصحى عن الأوزان الستة عشر التقليدية للشعر ، ثم

خروجهم بها أيضاً عن قواعد الإعراب للغة العربية ، وتوغلهم بها فى اللغة الأعجمية المتداولة ... و(الزجل - كما اعتبروه واحداً من هذه الفنون - هو أيضاً يتفق مع الموشح فى أنه خروج للناظمين به عن الأوزان التقليدية . وأنهم أتوا فى مناحيه بالفرائب من الأوزان الموسيقية التى لا يمكن حصرها ، حتى إنهم أطلقوا على صاحب ألف وزن لقب (قشلاق) ! .. (والموال رباعيات وخماسيات وسداسيات وسباعيات من بحر البسيط على تنالى معين فى إيراد قوافى أشطاره ..

وهكذا .. نجد أنه لا توجد معايير دقيقة ومحدودة ، يمكن أن تستقيم - عن طريق استخدامها - القول بأن هناك فنون سبعة أخرى تقف بجوار الشعر بالفصحى ، وأنها - هذه الفنون السبعة - فى الواقع من الأمر نوع واحد من فن الشعر ، خصيسته المميزة ، أنه منظوم باللغة العامية الدارجة .. وأننا لو سلمنا بأن التزام وزن موسيقى بعينه ، أو طريقة بذاتها كشكل للنظم ، هو قرينة لوجود فن جديد بعينه ، فلا بد إذن أن نعتزف بفنون أخرى عديدة من نظوم اللغة العامية تحمل نفس هذه السمات .. مثل نظم (الواو) بصعيد مصر، أو نظم (على الرابطة .. أول ما نبدى القول نصلى ع النبى) ، أو أغاني (الدبكة) بلبان أو (المجرودة) البدوية بصحراء مصر وليبيا ، أو نظم (الحماق والمذيل) بالعراق .. وهكذا ..

أعود فأؤكد أن كل هذه الأنواع من النظم هي ألوان من فن واحد ، هو فن (الزجل) أو فن نظم (الشعر العامية) . وهذه التسمية الأخيرة التي يتمسك بها بعض الناطقين الآن ، محاولين إيجاد تفرقة بين الزجل وشعر العامية وهما فن واحد مميز ، محاولين التنصل من كلمة (زجل) تسمية لما ينظمون ، بالرغم من جمال هذا اللفظ ، وموسيقيته ، وأن فى مضمون معناه ما يتطابق مع هزج ما ينظمون باللغة العامية ، وتمييزا لهم خاصة بعد أن استقر استخدامه كتسمية لشعر العامية - عن شعراء الفصحى الذين يحاولون التمسح بهم فيما ينظمون ، وأقول لهؤلاء ..أن من بين الزجالين من هم أخلد على الزمان من كثير من شعراء الفصحى ، وأن فنونهم لن تمحى من ذاكرة الإنسانية أبداً رغم بنائها على قوام من اللغة العامية ..منهم أبو بشينة ، بيرم التونسي ، أبو فراج ، النديم ، ابن الليل - صلاح جاهين .. وغيرهم كثيرون .. وهل ننسى صاحب التحفة الخالدة على وجه الإنسانية فى كل زمان ومكان .. الزجال هوميروس الذى نحت الألياذة المقدسة من اللغة العامية الدارجة .. نعم .. المهم هو المضمون .

وهكذا ننتهى إلى أن فن (الموال أو المواليا) هو نوع من نظم فن الزجل وسواء كانت تسميته - كما جاء بالتمهيد المختصر الوافى للمؤلف - عن طريق مرثية جارية البرامكة ، ونادبة نكبتهم .. أو سواء كان ذلك عن طريق أنه كان

فن (الموالى) وهو قول يتضاد مع المعقول ، فالموالى تعنى (الأسياذ والساذة من القذم) والمفروض أن اللغة الدارئة للعوام تكون أذاة الجمهرة وعامة الناس والذهماء دون الأسياذ .. وليس الأمر بالعكس ،... أو سواء كانت التسمية أيضا بسبب تنالى القوافى بطريق معين من خلال أشطار الموال .. أو سواء غير ذلك .. حيث احتار الباحثون فى إبداع سبب مؤكذ لهذه التسمية .. فإنه فى نهاية الأمر ، تتبقى لنا الحقيقة الناصعة فى أن (الموال) هو أبهى زهور فن الزجل ، وأشدها رونقا وبهاء .

ولا يوجد ناظم للزجل منذ تاريخ نشأته لم يكتب به ، ولم يترنم بأشطاره .. رغم صعوبة تفعيلاته واختلافاتها (مستفعلن فاعلن مستفعلن فعلن) ، فإن الأذن الناطمة تستسيغ هذا الوزن ، ويتجاوب مع ترانيم النفس ، مما جعل الأميين الذين لم يحصلوا على أى قدر من الثقافة .. من الفلاحين فى الحقول .. إلى العمال فى كل مكان .. إلى الباعة الجائلين فى الشوارع والحارات ، يطلقونه على السجية - ومنذ زمن بعيد - دون معرفة ما بتفعيلاته أو قواعد للموسيقى .. حتى ليكاد الخيال أن يجنح بى إلى التأكيد بأن الموال قد عرفته الحقول المصرية .. وأنه قد نشأ بها منذ زمان متوغل فى القدم ، وقبل أن تتغنى به نادبة البرامكة .. فهذا الفلاح هو الذى قال :

يا زارع الورد .. هوّ الورد شجره .. قل
أيام بنشرب عسل وأيام بنشرب خل
وأيام بتيجى على ولاد الأصول تنذل ..
وصاحب عربة الكشرى والسندويتشات ، هو الذى كتب على عريته التى
يدفعها أمامه :

(العين صابتنى .. ورب العرش نجانى)
وإبراهيم الشيخ الموالى الذى لا يقرأ ولا يكتب هو الذى قال ..
(القرش خلى المكسح يسبق الترمى)

وهكذا كان الموالى مستودعا لآمال وأحزان الفلاح والعامل والأجير ، وأداة
لإخراج ما فى نفوسهم من مشاعر .. مستعينين به على الصبر والكفاح وهجير
الأيام . وقد تكون لحروف المد فى تفعيلات هذا البحر ، واتساقها كآهات
متواصلة من خلال البيت ، قد تكون سبباً فى ألفة لسان الشاكى والمتأوه لها ،
ومخرجاً مناسباً . ملاتماً لأحزانه وأحلامه .. كذلك وجد فيها الناظم من الوقار
وهدوء النغم ورتابته أداة مناسبة لأن يجعل من هذا البحر الموسيقى قواريرا
للحكمة ولضرب المثل .. وللتعبير عن نتائج التجربة فى الحياة ..
وبالرغم من هذا الاتجاه ، فإن التأمل فى نظوم الرجالين ، يجد أن الفنان
المتمكن يستطيع أن يخلق على الرابة الفقيرة ، ذات الوتر الواحد الأجش ،

آلافا من الأصوات المترافقة .. الحماسية أحيانا والضاحكة أحيانا أخرى . فلا
يمكن القول عن بحر موسيقى ما ، أنه بحر الحزن ، وآخر هو بحر الحكمة ، وآخر
هو بحر الجلبة والرقص .. فالبحر الموسيقي أوعية زجاجية شفافة ، يستطيع
الناظم المتمكن أن يملأها بما يريد من قوة فنه وبلاغة بيانه .. وقد يجعل الوعاء
فى نظرك أحمر (كالموال الأحمر) موال الحماسة والحرب والهجاء .. وقد يجعله
أخضر (كالموال الأخضر) موال الخير والحكمة والحب والغوام .. وقد يجعله
أسودا (كالموال الأسود) موال الموت والنحيب ، والذي يمكن عن طريقه أن
يجعل الدموع تتحجر وتجمد فى عيون مستمعيه .. كقول المرحوم حمدى عيسى
وهو يقف أمام جسد ابنته المتروكة ..

وقفت قدام جلال الموت .. ومتبلم

عقد لسانى الأسى . ماقدرتش أتكلم

بل أن هناك من الرجال من تتقد براعته فيستطيع أن يقلب الأبيض
أسودا والعكس كذلك ، فالمرحوم رشدى عبد الرحمن يصيغ رباعيات عمر
الخيام .. رباعيات الحكمة وخلاصة التأمل والتجربة . وفى أحسن صياغة
كتبت هذه الرباعيات بالعامية . وذلك عن طريق استخدام بحر (المتدارك)
الراقص ، والمتحرك ، الذى لا يليق باستيعاب الحكمة .. ولكن رشدى بعبقريته
يبدع .. ويتألق .. ولا تحس بأن هناك نبوا .. أو شذوذا .. بين الدعاء
وما يحتويه .. ومن قوله :

الديك الصبح إن كان يذن
من إيه ..؟ وياريت تعرف أمره
ده ماهوش فرحان ده حزين جدا
وبيندب يوم فوات من عمره
والمرحوم فتحى قورة .. استطاع أن يجعل من الموال - فن الآهات المتصلة -
إناءً للفكاهة وللنكتة .. فيبدع على لسان المنلوجست شكوكو آلاف الفكاهات
التي انتزعت الضحكات من قلوب الجماهير على مدى خمسين عاما ، دون أن
يحس السامع أن هناك تناقرا أو تضادا بين الفكاهات وموسيقاها ومن قوله ..
أول ماهليت أنا قلبى انشرح ياخفيف
باللى أنت صورتك تيكيت على علبة البوليف

وقد جدّد الزجالون المحدثون فى طريقة نظم الموال وأشكاله . وأضافوا إليه
وحدات موسيقية أخرى تحدث معه أثرا نفسيا عظيما يتلاءم مع موضوعات
الكتابة ، وكان من أبرز هؤلاء بيرم التونسى والدكتور حس ظاها .. خاصة فى
شكل مقطوعات (الأوله آه ..) ونظرة سريعة على بعض مما فعله بيرم فى وزن
الموال ، ومن إضافاته الموسيقية المبتكرة إلى الوزن الأصلي ، أو بتوليده
للقوافى الداخلية من خلال أشطار البيت مما يثري موسيقاه الأصلية وتكاد تحس
بها أنواعا جديدة من الموسيقى وليست هى وزن البحر البسيط بالفعل .. انظر
بعض هذه المبتكرات ..

ياورد باستنظرك قبل الربيع بربيع .. وأوهب لك العمر
واجعل لأهل الملامة فى هوايا شفيح .. أوراقك الحمير

أو ..

الفن يا أهل الطبيعة روح تخاطب روح بلغاها
والفن يا أهل المحبة عين تكلم عين بنباهة

أو ..

ليه يا بنفسج بتبهج وانت زهر حزين
والعين تتابعك وطبعك محتشم ورزين
حطوك خميلة جميلة فوق صدور الغيد
تسمع وتسرق يا أزرق همسة التنهيد

أو ..

من الصباح للمساء والمطرقة فى ايدى
صابر على دى الأسى حتى فى يوم عيدى
ابن السبيل انكسى واسحب هراييدى

أو ..

الأوله مصر قالوا تونسى ونفونى - جزاة الخير - وإحسانى
والثانية تونس وفيها الأهل جحدونى - وحتى الغير - ماصافانى
والثالثة باريس وفى باريس جهلونى - وأنا مولبير - فى زمانى

كانت هذه مقدمة لابد من إيرادها عن الموال ، وأهسيته بين فروع نظم الزجل .. يأتى الكلام بعد ذلك عن مؤلف هذه المنظومة (مع الموال) الأستاذ سعد بدوى زجال المعمورة وزجال الاسكندرية الكبير .. فسعد بدوى لم يعد يحتاج للكلام عنه وقد كان لى شرف تقديم دواوينه الثلاث السابقة إلى القراء وهو رفيق العمر بأكمله .. تلاقينا بالمعمورة على قطار أبر قير عند شراء البعكوك والمصيدة والصرخة ، وتزامننا فى الوسط الأدبى السكندرى خمسين عاما متواصلة .. صار فيها سعد بدوى ، بفنه العالى .. الرائق .. السلسال ، قرة عين تدواتنا الأدبية ، وباعث الحركة والنشاط فى أهبائها .. وبأخلاقه الكريمة وإنسانيته الفياضة وتفانيه فى حب الزجل وأهله .

وقد تمكن سعد بدوى من أدواته .. قلمت فى الدواوين السابقة إنه نشأ صاحب فن فطرى يشبه « المعمورة » القديمة فى فطرتها .. ثم أصبح يهيم بالشكل ويتنوع الأوزان وتجدد تراكيبه وجماليات أسلوبه .. تماما كما حدث للمعمورة الجديدة بعد أن غزتها أبنية العمارات الحديثة .. وصكت أسماعها ضجة قصف موسيقى الكازينات .

ثم استكان بعد العمر الطويل إلى الهدوء ، واستغلال تمكنه من أدواته فى التعبير عن ناتج الخبرة وخلاصة التجربة .. فى فن ملىء بالحكمة والتأمل العميق ..

وفى هذا الديوان يعكف سعد بدوى على الموال وحده ، فيعزف عليه
ماشاء العزف .. جميلا .. واعيا .. مفردا .. معبرا عن كل ما يطوف بالنفوس
البشرية من نوازع .. تسبيحاته الصوفية .. مناجاته للذات العلوية .. حكمته
التي هى خلاصه للتجارب .. التغنى بأمجاد بلاده وحبها .. النصيحة والإرشاد
الغزل الذى يحتل مكانا بارزا بين عواطفه .. أغاريدته عن الدنيا ، والشرف ،
والزواج والوهم والفلوس والغربة والشوق والصبر .. والدموع .. الخ .

تلاحظ أيضا إيراد لفن الجناس الجميل فى قوافى مواويله بشكل بارز ..
وواضح .. ولكنه جناس يأتى بطبيعته عفوا .. غير مختلق أو مصطنع كقوله
وعلى سبيل المثال ..

عاتبت نفسى ودنيا الشر سابتنى
لها سحر ورواق بتسبى الناس وسبتنى
أو ..

مررت على قوم لقيت النوم ماليهم
جبت النصايح وقمت بواجبى أُمليهم
أو ..

تعجبنى على ناس كسالى فى مطارحهم
يتمددوا على الفراش والنوم مطارحهم

وقد جاءت مواويله أيضا - ومن حيث شكل بنائها - طبيعية وغير مصطنعة ، رباعية فى أغلب الأحيان .. وقد تكون خماسية أو أكثر من ذلك ، المراد فى ذلك هو أن يغنى الناظم ما يريد بحسب ما يأتى به مضمون الموال ، ولأبالمغ إذ أقول أن كل موال من هذه المواليا هو قصيدة مستقلة بذاتها ، تقرؤها فتجنىح إلى التفكير فى محتواها ومغزاها .. وخير الفن ما كان رحما للمعانى المختلفة .. ودافعا للتفكير حولها .

سعد بدوى لا يستطيع الصمت أبداً ، حين ملت روحه نظم القصائد الزجلية أمسك برعاية الموال وحلق بها عاليا .. ولو كان الأمر بيدي لجعلت رباعيته الخالده - من قصيدته الرباعيات التى شاء أن يختم بها ديوانه - .. عنوانا لديوانه هذا .. ولعلنى أفعل ذلك حين أردد قوله ...

ساكت .. ماتتكلم .. بلاش السكوت
الكلمة أصل الملك .. والمللكوت
قول كلمتك .. رأيك .. بكل صراحة
خايف تموت ؟ طيب ماهو الصمت موت

والى ديوانه الخامس قريبا بإذن الله ؟

كامل حسنى

فبراير ١٩٩١

تمهيد

المواليا - أو الموالم كما يسمى الآن - قيل إنه فن قد ابتكره أهل واسط ،
وواسط هى المدينة التى بناها الحجاج الثقفى وهى تقع بين الكوفة والبصرة من
العراق وكان ابتكارهم إياه أن نظموا بيتين على وزن البسيط وجعلوا الأشتار
الأربعة على قافية واحدة واستخدموا فيه اللغة الفصحى . وسموا المقطوعة منه
صوتا ، مما يشير إلى الصلة المؤكدة بين هذا الفن والغناء .

واحتوت هذه الأصوات . المدح . والغزل . والنصائح ولكنهم حافظوا على
البحر والقافية وعدد الأبيات ثم انتشر فن المواليا بين عمال أهل واسط ،
واتخذوا منه كل ما اتخذه قدماء العرب من الرجز ، شعر العمل . والكذ .
فتغنى به البناؤون والمزارعون . وكانوا يقولون فى ختام كل صوت يامواليا
إشارة إلى ساداتهم فغلب عليه الإسم الذى عرف به . وتلقف أهل بغداد هذا
الفن ، وأجروا فيه بعض التغيرات الهامة التى حددت مصيره . فقد استخدموا
فيه لغتهم العامية ولطفوه ورققوه وتوسعوا فى دائرة موضوعاته فنظموا فيه
الجد والهزل والهجو والمدح .

وقال بعض الدارسين إن أول من ابتكر المواليا إحدى جوارى البرامكة ،
فقد قيل أن الخليفة هارون الرشيد لما نكب البرامكة . حظر أن يذكرهم أحد .

ولكن جارية كانت لهم . كانت تقف بقصورهم المهذمة وترثيهم بشعر عامى اللغة
تختمه بقولها : وأموالياء ومن هنا جاء الأمر وليس لدينا مايسند إحدى
الروايتين ، ولا يمكننا أن نرجح إحداها على الأخرى . أو أن نصدق أن المواليا
وليدة إحدى هاتين المناسبتين فقط .

وهو يجوز فيه الإعراب واللحن . وقد مضى الأوائل على نظمه من أشطار
متحدة القافية . ولكن المجددين جعلوا القاعدة فيه إدخال شطر آخر من تافية
مغايرة قبل الشطر الأخير . تسمى « شطرة عرجاء »

وعلى هذا أكثر ما نسمعه من المواليا ، وأما أهل الصعيد فيدخلون
أشطار ثلاثة وقد يزيدون عليها قبل الشطر الأخير المتفق فى القافية مع الثلاثة
الأول .

وقد برع ناظموا الموال فى إنشاء هذا النوع براعة محمودة ، والتزموا فيه
الجناس والتورية ، وكثيرا من المحسنات وهم ينشدونه عفوا لحاظ بغير افتعال
وقد جدد فى نظمه كثير من الزجالين المعاصرين . ومنهم بيرم التونسي -
د . سعيد عبده - ميلاد واصف - كامل حسنى - السيد عقل . وهذا الفن يمتاز
بالسهولة - والجناس والتشطيرات ويكتب بالفصحى والعامية وبحره هو
البسيط . وتفعيلاته هى مستفعلن فاعلن مستفعلن فعلن .

سعد بدوى

يا رؤوف يا رحيم

يا رب صابر على كل الهموم والكرب
وكل ما بتخلقه . عند العباد يتحب
سبحنا باسمك يا عالي يا رؤوف يا رحيم
وف كل وقت ومكان الناس تقول يا رب

نور الحق

يا باسط الخير . يا نور الحق يا وهاب
سلمت أمرى إليك يا رب يا تواب
يا رازق الدودة فى الصخرة يا رب الكون
يا فاتح الرزق على كل العباد أبواب



سيّد المرسلين

يا سيّد المرسلين ياللى نصرت الحق
ياللى شفاعتك لكل المسلمين تلحق
إحنا فى جاهك . تعيناً يا رسول الله
واطلب من الله يهديننا ليوم الحق

بلدى

بلدى اللى فيها الجمال أنا قلبى يهواها
وعشقت نيلها العظيم والبحر وهواها
وباسم بلدى أنا ع الدنيا بتبهاها
وإن رحت أو جيت بقول بلدى يا محلاها
وقبل ما أطلب لنفسى أى مجد وجاء
أطلب من الله - يصون بلدى ويرعاها



الأرض

أنا جى م الأرض - برضه ومرجعى للأرض
وح أقضى عمرى وأعيش بالطول أو بالعرض
وأكسب رضا الله ولا أنسى فى حياتى فرض
وأكسب رضا الناس - لا أكره ولا أبغض
وأصاحب الخير وأبعد عن طريق الشر
واتمنى من ربي يهدينا ليوم العرض

مهما تقيم الجدار

يابانى من غير أساس ليه بس يابانى
لو كنت (تركى) ألومك ولا (يابانى)
لو الأساس غير سليم شوف إيه بقى يحصل
مهما تقيم الجدار رح يتعوج تانى

قلمى

قلمى بريته وقلت أكتب .. وأقول للناس
وأوصف مهازل بتحصل من خسيس هلاس
وأقول ياناس الصداقة تبقى ليها أساس
أكبر جبل ينهدم ويضيع بضربة فاس
والعفة أغلى وأحسن من الذهب والماس
تعبت قلمى معايا .. وبعدها قاللى
يضيع كلامك مع اللى فاقد الاحساس

إزرع واصنع

لا تقوللى حسبى ولا نسبى ولا أهلى
قوللى أنا اللى الوطن جالى وندهلى
وقاللى إزرع واصنع وابنى أمجادى
تبقى خدمت الجميع . أهلك مع أهلى

الدنيا

الدنيا مغزل .. وفيها كل يوم تغزل
وبأمرها ترقى ناس .. وبأمرها تغزل
زى الأتوبيس يلف يدور هنا وهناك
ولما ييجى الميعاد .. فى محطتك تنزل

يارب


ياللى رفعت السما والأرض راسيها
تعرف مداها وتعرف فين مراسيها
ياللى سفينة الحياة إنت اللى راسيها
رددنا اسمك فى وقت الشدة ياعالى
والنفس لو تشتكى .. نورك يواسيها

الضمير

عايزين ياناس للبلد - حبة ضمير لله
عشان نشوف الهنا - وكل شىء نلقاه
والبركة تملأ البيوت ونعيش فى عز وجاه
ويصحى فينا الضمير والود والإحساس
واللى يراعى ضميره .. ربنا بيرعاه

يا ناسى

ياناسى عهدك وناسى هواك وناسينى
حيرت قلبى - وبُعدك كان على عيني
أنا اللى دايا فى حبك على الأمل عايش
واقمنى اتهنى بيبك - وأنت تهينينى



أسكت

أسكت ولا تجيبش سيرة واللى فات داريه
كفايه قلبى ظلمته ولا سألتش فيه
إزاي ح ترجع له تانى وهو دا معقول
اللى جرحته فى سنين .. إزاي فى يوم تداويه

تاريخنا

إسمعنى كل البلاد والناس بتتقدم
واحنا اللى ع الماضى نتألم ونتندم
رح فىن تاريخنا القديم رمسيس مع مينا
واللى بنوه الفراعنه بفعلنا اتهدم

الغدر

الغدر ليه مبدأك والدس رسمالك
مالك ومالنا وليه بينا انشغل بالك
لا انت فى بالنا - ولا مرة استمعنا لك
ومهما قولنا عليك إنك شيطان غادر
تلميذ لإبليس وفى دس الفتن شاطر
الناس ما بين بعضهم بالحب تتفاخر
وأنت اللي عيشتك فساد والغدر يحلالك

عرفت مقدارى

ياللى الغرام عذبك دارى الجراح دارى
دا العشق بلوة وعذاب وأنت اللي بيه دراي
أنا قبل منك كوانى البعد والحرمان
وتبت ع الحب لما عرفت مقدارى

ليه تنكر الود

ناسيتنى ليه . وانت ما كنتش بتنسانى
وبعدت ليه وانت قلبك كان بيهوانى
ليه تنكر الود وتفوتنى لحرمانى
شوف لما زاد الأسى منك وكتر جفاك
خليتني أحلف ما اجيب إسمك على لسانى

يا رازق الخلق

إذا عاصينا يارب العرش إنت عليم
وان تهنا وسط الظلام يارب إنت رحيم
ولو طلبنا الشفا تشفيننا وانت حكيم
يا رازق الخلق من كرمك . وانت كريم
إسترنا يارب فى الدنيا وفى الآخرة
وارضى علينا ياغافر كل ذنب عظيم

خليك رحيم

خليك مع الناس رحيم .. الناس ح تعزك
واوعى الشيطان يدفعك للشر ويوزك
ياصاحب العقل دور ع اللى يرضى الناس
يعلا مقامك وفى الدنيا يزيد عزك

روحى

صبرت على الصبر ومشيت له على جروحى
واحترت مع روحى مش عارف علاج روحى
يا روحى إن كان حبيبك يهجرك إنسيه
وإن كان عدوك طلب ودك وجه روحى

احترت

ياللى سهرت الليالى والنجوم شاهدة
ياللى اشتكيت للحبايب والهموم زائدة
احترت ويا قليل الأصل يا طيب
مهما اشتكيت أو بكيت برضه مافيش فائدة



جيت النصايح

مریت على قوم لقيت النوم ماليهم
جيت النصايح وقمت بواجبي أملهم
سمعوا كلامى . صحوا على حس موالى
روح فرحان وأنا فايت الأمل ليهم

نفسى

بعدت ع الناس وعشت بأملى وبيأسى
وشریت كاس المرار فى حزنى وف أنسى
دا البعد ع الناس غنيمه ونفسى ابقالى
لكن لقيت نفسى .. برضه معذبه نفسى

الهموم

انسى الهموم ياللى دمعك غرق الخدين
مين يرحمك لما تشكى ولا تبكى مين
دى الدنيا زحمه وزى الفيلم فى السيمما
والفيلم يخلص واحنا ف غفله مش دارين



الوهم

عابت نفسى ودنيا الشر سابتنى
لها سحر وزواق بتسبى الناس وسبتنى
لما ماشيت فى هواها دغرى سبتنى
ولما فقت وصحيت من الوهم والأحلام
عرفت ربى ونور الحق ثبتنى

يا دنيا

يادنيا مهما زواقك زاد أنا دينى
ماسك على دينى مهما تجبينى تنادينى
وابعد واغيب عن طريقك لو لقيته ضلام
وإن جيتى بالنور حارد وأقول أنا ادينى

الشرف

يا ابو الشرف - والشرف غالى ما يتقدر
خليك مع الناس مسامح قد ما تقدر
تترد غيببتك بكلمه حلوة وأنت بعيد
والكل يعمل حسابك - كل ماتحضر



ليه يا صاحبي

صاحبت صاحب وكان صاحبي فى قلبى وحيد
وفضلت أطلب وصاله . يخلف المواعيد
ولا يوم سمعنى ، وبما كنت أقول وأعيد
وليه يا صاحبي كده أحتار أنا ويّاك
قربت أنساك . وابعد عن هوايا بعيد

من غير لف

كان اللى كان وانتهى قبل الزمان بزمان
ولسه عايز تعيد وترجع اللى كان
ماكان يا قاسى من الأول تعاهدنى
ونعيش ونسعد بدون لا لف .. ولا دوران

امشى فى طريق نور ولا تمشى فى طريق ضلمة
واسعى على الخير . وصاحب صاحب الذمة
واحفظ لسانك وحاسب لو تقول كلمة
وابحث عن العلم .. واتعلم من الحكمة
الحكمة والموعظه .. والعلم .. والابحاث
بيزود لنا الحياة بسمة على بسمة



يا ابو رمش جارج

يا ابو رمش جارج وعين سودة وخذ جميل
فى نظرتك سحر بيخلى قلوبنا قميل
إذا اشتكيننا يقولوا أصلنا بطل
وإذا سكتنا يقولوا أصلنا جهال
إحتارنا بين دا ودا .. تايهين ومالنا دليل



راعى ضميرك

راعى ضميرك فى عملك واشتغل بحساب
وخلى بالك لا بالك ينشغل تنصاب
صاحب بالين من زمان قولنا عليه كذاب
والصنعه ما تتفق ويا انشغال البال
والبال إذا راق .. بيخلق م العدم اعجاب

زى المراجيح

احسب حساب الزمن ألا الزمن غدار
بيدور ويسقيننا من كاسه عذاب ومرار
دا بيرفع اللى نزل ... وينزل الطالع
زى المراجيح بتعلا وتوطى .. يامحتار

خلصها أحسن

الندل لو بنته تتجوز يا ويل جوزها
تتعب حياته وتلوى كل يوم بوزها
وتحرمه من سعادة هوه عايزها
يا واخذ البلوه فى بيتك وحايها
خلصها أحسن وروح دور على غيرها
مدام مافيش أصل لاتعوزك ولاتعوزها

ياللى رماك الهوى

إن كان رماك الهوى خليك شجاع ومتين
واتحمل الهجر يامظلوم .. ويا مسكين
ماكنت عايش فى حالك ليه تقع فى كمين
وقعت فى شبكه منصوبه فى عين جارجيه
والرمش ساعات بيبقى أحمى من السكين

وفر فلوسك

قرشك فى جيبك وفى الدنيا الفلوس تسعد
حرص عليه ينفعك وقت الأسى ويسند
وفر فلوسك .. وأوعى تفتري بمالك
دا القرش لبيض بينفع فى النهار لسود

المر

صابر على المر ليه .. ياللى حياتك مر
وبإيدك إنت اللى شارب الهوان والمر
الصبر طيب ولكن له ساعات بيضر
إصبر على السوسه فى المركب تلاقيها
كلت الخشب .. والخروم المية منها تمر

الغريه للرزق

عجبي على ناس كسالى فى مطارحهم
يتمدوا على الفراش والنوم مطارحهم
لو يسعوا على الرزق ح يلاقوا العمل موجود
والغريسة للرزق واجبه والمطار ربحهم

حاسب

حاسب من الحب أوعى تعوم فى تياره
لاتضيع فى بحرہ ولا تعرفش أسرارہ
مهما يكون الهوى . رح تنكوى بناره
فيه قبل منك كتير فى الحب .. إحتاروا
فاكرين يفوزوا بحلاوة الحب وأزهاره
ولما فاقوا وصحوا ، بقت الحلاوة سراب
على قد «حلوہ» يضيع الحلو فى مراره

ليه بتنسانى

ليه لما أودك يا قاسى تروح وتنسانى
ولما أنساك تقوم ترجع لى من تانى
ولما أقرب بتبعد عنى وتبيعنى
ولما أبيعك .. بترجع تانى تهوانى

الرزق واحد

يا مسابق الرياح وبتجري ومتشطر
الرزق واحد وغيرك يا جدع أشطر
وكلنا فى الحياة سايرين بأمر الله
وكل شىء على الجبين مكتوب ومتسطر



الصبر طيب

الصبر طيب .. وربك ناصر المظلوم
لا الظلم دايم ولا الظالم كمان بيدوم
اصبر على المفتري . واصبر على الظالم
والحق مهما اختفى لازم ح يظهر يوم

ابعد عن الشر

إزرع محبه .. وقوى بالايان قلبك
وحب ناسك . ح تلقى الناس بتحبك
وابعد عن الشر واسعى دائما للخير
لابد تكسب وتتهنى برضا ربك

بكيت ومين ع البكا .. ريحني ورحمني
وشكيت ولا حد .. لا سمعني ولا فهمني
تعبت ياما وشلت الهم من صغري
وصبرت ياما .. وأملى كان مطمئني



قلبي مال لك

تنساني ازاي وأنا اللي عمري ما نسيتك
وإزاي تبيعني وأنا اللي بعمرى حبيتك
أهواك وأقول للهوى واللى سأل عنك
أنا قلبي مال لك وعمري فى يوم ما مليتك

إمشى عدل

إمشى عدل فى الحياه يחתار عدوك فيك
وعامل الناس بحكمة الكل يسعى إليك
واشغل حياتك بفكرك أو بصنع إيديك
وابعد عن الشر .. واتسابق فى عمل الخير
لابد توصل لهدفك . والحياه ترضيك

عيش على الحمد

فكر فى يومك . لا فى امبارح ولا بكره
وعيش على الحمد سيب اللى جرى يجرى
أوعى الطمع يوصلك . تفنى ولا تدرى
أهل المثل والحكم قالوا يا ابن الناس
عصفور فى إيدك . ولا عشرة على الشجرة

صحيت من الوهم

ناديت على الخير .. قاللى الخير أنا حاضر
وقلت للسعد قرب عندى .. قال حاضر
وكتبت أربع وعود للنحس بمحاضر
عشان يسيبنى .. وسابنى بس يا خساره
صحيت من الوهم لا بماضى ولا بمحاضر

الحزن ليه

إسمع ندايا ونصيححتى لما أناديلك
ياللى غسلت بدموعك كل مناديلك
الحزن ليه والبكا والهم والتفكير
ماتسيب هموم الحياة وتقيد قناديلك

توعد وتخلف تابع حياتك وعمرك ضاع فى أخذ ورد
ولو نصحناك لا بترجع ولا بتترد
توعد وتخلف. ولكن احنا عارفينك
لو قلت جاي التلات - تخلف وتيجى الحد

حقوقك

بلاش تنام عن حقوقك اللى سايبها
دور عليها وخدها من اللى سالبها
مدام حقوقك . خلاص خدها من الغاصب
وبلاش تضيع كرامتك من سبابها

كلام

يا ابو كلام زين . وكل الزين فى كلامك
بتزوق الكلمة تطلع حلوة قدامك
لكن لقينا كلامك عكس أفعالك
لو كنت حاكم عليك . أحكم بإعدامك

الهموم

يا عم سيب الهموم واضحك بقى وكركر
والدنيا خدها ببساطه . قد ما تقدر
لو ترمى كل الهموم تلقى الحياة سكر
وتعيش فى عز ونعيم والدنيا تحلاك
وتلاقى كل الهنا بلك بيتحضّر

نسيتنى ليه

نسيتنى ليه .. وأنت ما كنتش بتنسانى
وبعدت ليه .. وأنت قلبك كان بيهوانى
خليتنى أنسى جميع الناس عشان خاطرك
وحلفت عمرى ماجيب اسمك على لسانى

سهرت ليلك

سهرت ليلك .. وليلك من السهر طول
طول لياليك كمان واسهر من الأول
ياما بكرة حتنام لوحك بعد عمر طويل
والموت نهايه العباد .. ولا عنه تتحول

مالك الملك

النخل واقف يوحد ربنا فى علاه
والنحل م الزهر يلقي مسكنه وغداه
والنمل رمز العمل شال التراب وبناه
واللى بيسمى بيلقى الرزق تحت خطاه
واللى حليفه الكسل ما يلاقى حتى غداه
ومالك الملك ناظر للمباد برضاه
يرضى على اللى عصى .. ويوصل اللى تاد

دبر أمورك

دبر أمورك وصون بلدك وراعيها
وامشى فى طريق العمل بالجهد وابنيها
وارفع كيائها وخلي عزمها يشتد
لو تزرع الحبة .. إنت اللى تحتجنيها

رتب حياتك

رتب حياتك .. وخلي دنيتك جنة
واترك مآسى الحياة ح تعيش وتتهنى
واحسب حساب الزمن وأمشى على قدك
حتهزم المستحيل وتنول ما تتمنى

الناس


الناس دى أجناس فيه واحد بيتصاحب
والثانى خاين مالوش فى الدنيا ولا صاحب
وإن كنت عايز تصاحب .. صاحب الأُمجاد
والعلم والمعرفة .. خدهم إليك صاحب

الغلا

شايف بعينى الغلا سيطر وفات حده
وناس غلابة بعيش حاف بس يتغدوا
وناس معاهم كنوز ملايين مايتعدوا
يتهربوا م الضرائب . ومن زكاة المال
وغلبت أندة " لأهل الكيف " مارردوا

بلدى

يا بلدى سبرى فى طريقك ربنا معاكى
رافع لواكى على الدنيا وعلاكى
حامى حماكى وزاد مجدك وحلاكى
نلتى الهنا والمنى يامصر يا بلدى
سبرى فى طريق العمل . والمولى يرعاكى



الأولاد

عنده اسماعيل الجيزاوى كان فقير الحال
لا عنده أطيان ولا أملاك ولا أموال
فقير وراضى بنصيبه فى الحياة مسكين
وغير كده عنده زوجه وخمسة م الأطفال

فى كل يوم عنده يبحث فى الحارات عالقوت
من حارة السيدة كان ألف مرة يفوت
ولقمة العيش يجيبها بعد كل عذاب
عايز يأكل عياله حتى لو حيموت

يوم يشتغل قهوجى ويوم يشتغل كناس
ويوم يبيع فجل أو ترمس ويوم قلقاس
وكل يوم المزار واقف على بابه
والحظ بابه اتقفل بالضبة والترباس

احتار دليله وصبح م الدنيا متألم
زادت همومه ومين يسمع لو اتكلم
دموعه رخصت ومين يعلم بأحزانه
بعد التمنى ينجى ربه ويسلم

جاله صديقه الفقى أحمد حسين رضوان
قال له انت مالك كده باين عليك تعب
كفاية هم وشقى واصبر على المقسوم
واطلب من الله يساعذك دا كريم منان

مسيرها تفرج وبعد العسر فيه تيسير
وبعد فترك وبؤسك راح تلاقى الخير
عيالك الخمسة دول همه سبب خيرك
فى قريهم راح تشوف أموال وعز كثير

دول رحمة . دول نعمة وهدية من الرحمن
كام من غنى محترم عنده ميتين فدان
غنى بماله وبعد الموت مالوش ذكرى
عشان ماعندوش ولد ولا بنت . عيشته جنان

عبده اسماعيل قال له يا أحمد عيالى دول
هما سبب حيرتى فى الدنيا بقيت مذلول
قام قاله يا عبده دول نعمة من الخالق
من غير شعور رد عبده وقال يا ربته تزول

ما فاتش يوم وانخطف ابنه الكبير صالح
وبعد أسبوع غرق عبد الله فى المالح
وحسين وعزة وعلى ماتوا ف خمس أشهر
وأصبح البيت منفض . بس عالفالح

قال جت من الله .. حياتى بكرة تمشى تمام
حاملك زمام الزمان .. واصيره خدام
وحب يسعى من الأول على شغله
عزم على القهوة واتهنندم صاحبنا وقام

عالصبح قاعد بيشرب قهوته بحليب
قام فات على القهوة عيل كان معاه يانصيب
قال له تعالى وهات ورقة بقرشين صاغ
على الله يا ابني النوبادى السهم مرة يصيب

خد منه ورقه وبعد الظهر كان الكشف
كشف .. لقي نمرته الأولى ... وفايزه بألف
حمد الهه .. وقال ارتحت م الأحزان
ومن الهموم والمساعى والشقا واللف

ساهم فى شركة كبيرة قام كسب فيها
والألف أصبح ألف .. تتعد فوقها
وراح على بنها دغرى واشترى فدادين
زرع الأراضى وبنها وزان مبانها

بقى عنده أملاك وعنده ييجى ميت فدان
اسمه اشتهر واتعرف فى بنها من الأعيان
لكن تشوفه . تلاقية .. باكى .. متألم
بايت فى حيرة وعذاب ... اكتر من العيان


أصل السعادة اما تبقى بانشغال البال
بتبدل النور ظلام .. وتغير الأحوال
مسكين يا عبده .. حياتك أصبحت عبره
وادى السعادة قصادك .. بس ما ينتظال

والأصل كله عشان فكر فى أولاده
بقى يهمل الرد أو يخلف فى ميعاده
وان جت له حسبه يقوم يغلط فى تضريبها
وصام عن الأكل مدة .. وانقطع زاده

نسى بأنه غنى .. والا بقى بنكير
واستغفر الله على ذنبه وقال يامجير
خد منى أرضى .. وخذ مالى .. وأطيانى
عايز عيالى .. وارجع زى بعضه فقير

هذه القصة من ديوان من ده على ده
للمؤلف





مصر بكره

ماشيت لوحدي أعيد الذكرى والفكره
واحلم بأيام جميلة لمصر مع بكره
واجمع حبايبي وقرايبي وكل اصحابي
وأقول لهم مصر بلدي . على الدوام حره

مصر الأمل فى هواها عشت واتربيت
وشربت من نيلها ميه حلوة . واترويت
وبين دروبها وبين ناسها قضيت عمري
دى هيه روحى وحبيبتى لما أقول حبيت

با احب ناسها ويدى الناس يحبوها
ولو شافوها فى أزمة الكل يعينوها
وبكل همة وعمل وزيادة الانتاج
وإيد على إيد بكل ضمير يعونوها

يامصر بكره أنا باتمنى تبقى ف خير
تخضري الصحرا وتداومي على التعمير
وتبقى جنة كما كنتى ف عصور فاتت
والكل يصبح سعيد ولا يبقى فيكى فقير

باتمنى أشوف الشباب واعى ومتعلم
يهوى الثقافة فى كل مجال . ويتكلم
ولو يصادف صعب يصبر ويتأنى
لحد ماينول مراده بدون مايتألم

باتمنى . ما اشوفشى واحد أدمن الهيروين
ولا أى شخص انحرف عن الوطن والدين
وكل عاطل يلاقى عمله متحضر
والكل للكل فى الخدمة ومتعاونين

أتمنى من كل قلبى بلدنا تبقى تمام
المخلصين يجعلوها بسممة للأيام
وتعيش بناسها فى أعلى مكان وأحلى زمان
والشر يبعد . وتتهنى بخير وسلام

باتمنى أشوفك يامصر فى أحسن الأحوال
الحب يصبح أساس موجود فى كل مجال
والعيشة تصبح فى يسر وكل شىء موجود
ولو تعامل ضميرنا بلدنا تصبح عال

مصر العظيمة حياتنا وحبنا ليها
وبكل جهد وكفاح لازم نعليها
ونشوفها متقدمة فى كل أحوالها
ويبقى كل الهنا والحب ماليها

يارب اجعلنا نتهى بنعيم دايـم
واجعل ياربى حياتنا فيها خير عامـم
واجعلنا نبني بلدنا بالضمير والحب
يارب انت عظيم .. وانت بنا عالم





ملاحضات

عد السنين شوف إيه من العمر فاتك
خد عبرة م الماضى . وعيد ذكرياتك
ماتقولش جدى كان - وأصلى كذا
أنا عايزك إنت .. إيه بنيتته فى حياتك

أوعك تلموم الناس ولا تتغفر
الدنيا فيها الخير وفيها الشر
فيه ناس ضميرهم مات . وناس ممتازين
وأنت مش عبد أبداً .. ولا أنت حر

ماشيت أنا فى درب الحياة وداومت
لاهمنى المشوار .. ولا اتألمت
ولما حبيت استريح م التعب
لقيتني مليت من الحياة وتعبت

قلبك يا قلبك كله غش وشجن
إزاي تعيش مع قلب لا يؤمن
حاولت أقولك من زمان إصلحه
من قبل ما يبيعك بأرخص ثمن



فات الربيع والصيف وفصل الشتاء..
وادی خریف العمر حالاً أتى
ولیه یا قلبی حزين فی کل الفصول
ولیه تتوه فی أمور متشتتة

القطر فات عدى الحدود والسفر
جريت وراه فاتنى وحيد انتظر
یا قطر لیه تبعدنى عن سکتک
وتسببى وحدى لیه فی سكة خطر

حببت وقلت خلاص قلبي انشرح
وعشت حلم جميل وشفيت الفرح
ماحسبش أبداً الغرام فيه شجن
بعد الفرح قلبي لقيته انجرح

قلبي أنا طائر وطائر وطائر
يبني بيوت للحب يبني عماير
يطمئن المحروم ويهدي الحيارى
وهو عايش فى الحياة لسه حاير



عاير كلامك وأوزنه بحكمتك
فيه كلمة بيها تنسعد دنيتك
تملكها انت قبل نطقك بها
وإن قلتها هيه اللى رح تملكك

جيش جحافل قائمه متحضره
الدنيا إيه جرى فيها يا هل ترى
ليه يا ابن آدم بالدمار تنتشى
وتفوت نفوس فى البؤس متحيره



باللى افترت على الخلق وبسطوتك
عايز تقول الدنيا دى دنيتك
شوف لما تَعْجَزْ أو يجيلك مرض
وريشى رح تنفع بيايه قوتك

سلمت أمرى يا دنيا . وأنا مش كليل
أنا بإيمانى أقوى من المستحيل
لا يوم خضعت لذل . ولا قلت آه
وآه من اللى عاش فى أرضك ذليل

علمت قلبي يحب حب النبي
وقلت برضه لنفسي .. ياللا اطلبى
قالتلى نفسي .. نفسي أزور الحبيب
قلت لها طلبك هوه دا مطلبى

أحب اشوف الدنيا بستان زهور
مليان بفن وعلم . والعلم نُور
أحب اشوف الأرض فيها السلام
مليانه حب . وأعيش عليها فخور



هات ... يا نديمى الكاس . عسايا أروق
واملالى تانى لما تلتقانى أفوق
وبيعنى بالكاس واشترينى بها
أصل أنت تاجر هوى .. والدنيا سوق

يا قلبى ليه تختار مع اللى رموك
وفاتوك لوحذك تنكوى ببعدهم
يخونوك يا قلبى وانت بتودهم
عجبنى عليهم م الهوى بيحرموك

ضاع عمرى ما بين المرار والأسى
وكننت فاكر الهوان رح يهون
لقيتنى تهت ف دنيا فيها الشجون
لا فيها رحمة . ولا أمور مؤنس

حيرتنى وياك .. وحانسك أكيد
واقول لقلبى إرتاح من اللى هجر
بينى وبينك لوم وغربه وسفر
يجعلنى ابعد من حياتك بعيد

احب كل الناس على كل دين
الدين للمديان جل علاه
احب اشوف الناس فى عز وجاه
وبالسلام والحب متمتعين



فض الكلام . خلى الكلام يتحسم
لو كان كلام ملىان بغش ونفاق
الكلمة فيها سم أو ترياق
تجرح ساعات . وساعات تداوى الألم

سيبني لوحدي انتشى بوحدتى
اسرح فى ملكوت السميع العليم
الوحدة أحسن من جليس اللئيم
لكن مع المولى تزيد بهجتى

صبرك ح تتعدل وتصيح غسل
مش قلتلك بكرة الهموم تتغسل
تصبر ماتصبر اللى مكتوب يكون
ماتقولش دا كان ليه .. وليه دا حصل

سرحت ليه فى دنيا الشجن والأسى
وشكيت لطوب الأرض صبح ومسا
لو كنت محمد ربنا وتشكره
مش كنت ح تلاقى الحياة كويسه



هل الربيع خضر عيدان الشجر
جالها الخريف خلأ العيدان تحتضر
إنت كذا ذى الشجر يا ابن آدم
تخضر أو تنشف .. بإيد القدر

ياما صبرت وصبرى كان المَدَدُ
أكلها حاف ولا امد إيدى لأحد
ولسه ناس بتقولى خليك صبور
طيب ياناس الصبر فىن يتوجد



ليه بين سطور الجهل ليه تندثر
وليه ما تتركش فى حياتك أثر
ابحث .. تلاقى العلم .. نُور .. دنيتك
وشمعه قايده منورة للبهش



ماشيت - ولسه برضه ماشى ف طرق
ودروب طويله . عمرى فيها انسرق
ماشى ومش عارف طريق سكتى
وعمرى ضاع فى قلمى أو فى الورق



إهدم جدار الخوف وما تكونش خايف
وأبعد كلام الذل من ع الشفايف
خليك شجاع الدنيا عايضة القوى
أما الضعيف ينداس .. واديك أنت شايف

رزقك ورزق الناس فى إيد ربنا
ماتقولش حظى ليه كدا وليه أنا
إسعى ورزقك ح تلاقيه يوصلك
وأصبر على المقسوم تنول المنى

من غير دليل أنا ماشى من غير دليل
وتتهت أنا لوحدى فى مشوار طويل
اخطى خطوة القانى أرجعها تانى
والشمس تطلع التقى الدنيا ليل



ساكن أنا الدنيا كأنى غريب
وفى الحياة تايه وماليش نصيب
عايز أموت .. لكن ما جاش الأجل
عايز أطيب .. لكن ما جاش الطيب

شفت الحمام طائر أنا قلبى هام
ويّا رسول الحب ويّا الحمام
لكن رأيت وياريت يا ناس ما رأيت
صياد عنيد .. قتل الحمام والسلام

عمري أنا عدى ومش رح يعود
زى الهوى زى المطر والريعود
ليه أفترى على الناس وأنا من تراب
مخلوق .. وبرضه للتراب رح أعود



ساكت .. ماتتكلم بلاش السكوت
الكلمة أصل الملك والملوكوت
قول كلمتك . رأيك بكل صراحه
خايف تموت .. طيب ماهو الصمت موت

كتبت بيبك يا قلمى شعر وزجل
وعشت عمرى معاك من غير ملل
يا هلترى يا قلمى رايج تسببى
والا تجببى أداوى بيبك العلل

أنا عشت عمرى كله بؤس وعدم
أبنى الأمل . الاقيه فى يوم إتهدم
لكن .. تكالى كان على ربنا
اللى فى قربه ما شفت لحظة ندم

سك البيان على كل شى مبتذل
وافتح بيان تسعد قلوب للأزل
واطلب من المولى الكريم ينصفاك
على كل مخلوق .. إن علا أو نزل



يا طير ياسارح فى الفضاء ومبدّر
فى ساعة الفجرية وبتتمايل
أسراب وراء أسراب منظر هائل
يا حر والحرية ما بتتقدر



الحب أعمى . مين يقول غير كده
قلوب بلا تفكير - تعشق - تحب
تنحاز بدون تمييز من أى درب
وتتوه فى دنيا الحب من غير مدى

اصبحنا ليه عايشين فى دنيا الشجن
والفرح موجود والهنا عندنا
أفراحنا أو أحزننا من صنعنا
واحنا اللى بإيدنا يسير الزمن

كم من شجن عشته معاك يا زمن
وكم ماشيت تايه فى درب الحياه
وعلى الصعاب عدت ولا قلت آه
واتحدى نفسى باحتمال المحن



مليان يا قلبى شوق ومليان حنين
لناس ماتسواش السؤال والعتاب
طب ليه يا قلبى . ترتضى بالعذاب
تختار فى ليلك وف نهارك حزين

برجك يا صاحبي هو برج الحمل
سعيد - تعيس - ح تعيش ولازم تعيش
دوآره بيك الدنيا مابتنتهيش
وليه تعيش يائس فى دنيا الأمل

ربيع حياتى . يا حياتى انتهى
لكن معاك الحب ما بينتتهيش
تعيش معايا سنينى ومعاك أعيش
لأن قلبى يا روحى لك اشتهى


مليت يا صاحبى انصحك . مليت
وزهقت أقولك انسى مشى الضلال
ليه تهت ليه بين الحرام والحلال
انت انتهيت يا صاحبى .. والا ابتديت



الشمس طلعت .. جعلت الدنيا نور
شعاع بيهدى كل تايه حزين
ولسه ناس نايمين ولا دريائين
وكأنهم عايشين تحت القبور

عمال تقول الناس . دى مابقتش ناس
وأنت بعيد عنهم ولا لكش صاحب
لازم تعيش للناس - وتعشق . تصاحب
وأبدأ بنفسك وابنى للخير أساس

خليينى افتركك بحلو الكلام
ماتخلنيش اندم على عشرتك
لو كنت رح تظلمنى فى مودتك
ح يكون نهايتنا البعاد والخصام



حيرت قلبى ليه وحيرتنى
وأنا اللى فاكر رح تكون لى سند
يا خسارة .. ضاع الحب .. ضاع للأبد
لما ابتديت تنسى الهوى .. ويعتنى

اعرف حدودك فين - وإيه قدرتك
أوعك تعادى الناس ولا تفتري
القوة لا تنبأع ولا تنشرى
ومستحيل ح تدوم معاك قوتك

فكرك أروحلك . بعد ما سبتنى
واللا إنت فاكر إنى محتاج إليك
أنا حاشترك واستنى واصبر عليك
وبرضه أبيعك - لو فى يوم بعتنى

بم بحمد الله

عنوان المؤلف :
المعمورة البلد بجوار المحطة

رقم الايداع

١٩٩١ / ٣٧٨٦

I.S.B.N

الرقم 7 - 1408 - 97700

رأئية للطباعة والتجليد
محمد كمال الدين القشبرى وشركاه
بالاسكندرية

